

om kookoldu ehk kateest renni wiff wäljakaiwetu lahhas polist koo witsuga kookoäntu. Korstna sisse lastas ümbrezõri ophertiga alla otsast kuhja pãni ni paljo mulke, kui waja om, et toõ kartohwli kuhjast korstna läbbi wõip wälja-minna. Sis puistetaz kartohwliid kuhja-wiff korstna ümbrel ülles, ent mitte ennamb kui kolm ehk nelli jalga korruta, muido lãtwa kartohwli kuhjan kumas. Kui kuhhi walmis om, sis kattetas temma ümbrezõri pikka olgiga ehk nappaga kinni, ent ei mitte pakfult, enge ophukselt. Om ilm selge, lãmmi nink tahhe, sis wõetas pãiwa aigo nappo-katte pãält ärra nink lüwwas kuhhi lakja, et neid kartohwliid wõip wäljakorjata, mes halwas omma jãnu. Dses kattetas kuhhi seddasamma-wiff jãlle kinni. Mida jãwa kuhja omma kerge kattedega saisma, seni kui peljata om, et halla tullep, sis pantas õses ennamb nappa ehk pikka olgi ümbre, mes pãiwa aigo jãlle ärrawõetas, kui hã ilm om. Jõwwap jo talwine aig kãtte nink kãnap ilm kũlmale, ni et jo ea wee pãle tullep, sis sũnnis kuhja otsani kinni-panna. Se tarwis wõetas hããd werõket kuiwa nappa ehk pikka olgi, nink pantas jalla padjuta pãle nink ümbre, nink mattetas ümbrezõri mullaga jalla padjuta kinni. Et ka pãält korstna läbbi nink alt hao läbbi kũlm mannu ei sa, sis pantas korstna ots olle-tuustiga kinni nink sõkutas sitta hao-wihhu otse ette. Lãtwa talwel ilma pehmes nink tullep julla. sis wõetas korstna wallale, et toõ wõip läbbi-minna, ent pantas seddamaid jãlle kinni, kui ilm wastsest kũlmale lõõp.

Kel paljo kartohwliid om hoita, nink ei tahha mitto kuhja tetta, se pandko neid rõuke, ni kui keswa-rõuge omma, ent maddalamba. Kartohwli rõuge tettas seddamãrki. Ges mãlt kaiwetaz krawi, weidi pikkembalt, kui rõuge tahhetas tetta, nink kattetas ristti kuiwa hao-wihkega kinni, et kartohwli ei jõe läbbi, ent tuul parrajast läbbi-kãõp. Kes krawi ei tahha kaiwada, se pandko hao-wihho nisamma mulla pãle mahha, nink, et kartohwli alt tuul wõip läbbi-kãõwa, sis sãctas hao pãle, ni pikkalt, kui rõuge saap,

kats reddelit, mes nappaga ehk haoga omma läbbipalmitu, kattuse-wiff kooko nink kũdetas pãält kinni, et kartohwli kattuse-harjast läbbi ei sa. Kui sel wiff ne paiga, kohhe kartohwliid rõuke tahhetas panna, omma sãctu, et tuul, kas krawist wai reddeli alt, hãste wõip läbbi-kãõwa, sis pantas ka sija egga katte sũlle pãle sãrane-samma korstna ülles, kui kuhja keskel peap ollema, nin pãle to puistetaz kartohwliid rõugewiff pãle, ent ei mitte korgembas kui nelli jalga korruta korstna pohjast arwata. Omma kartohwli sel wiff rõuke pantu, sis kattetas mõllembi poli kergeste kuiwa pikka olgi pãle, ent kui tahhe ilm om, jãttetas harri weel wallale. Tullep kũlm talwine ilm, sis mattetas rõuge nisamma olgiga nink mullaga kinni, kui kuhja kinni-mattetas, korstnale pantas tuust ette, nink kõõ reddeli otse wallal omma nink hao-wihho otse kartohwli alt wãljatullewa, sõkutas sitta etta, nink krawi otse pantas ka sittaga kinni.

Lãtwa talwel ilma liig kũlmas, sis om waja rõugid pohja poolt kuse haoga ehk sittaga katta, nink kewwaja pole peap neid lõune poolt nisamma kuse haoga ehk sitta kinnimatma, et pãiw ei wõi mulda pãält ärrafult latada.

Kes sel wiff omme kartohwliid õlle talwe jõwwap piddada, se wõip lota, et nemma seemnes kõõbawa, seft et ta sũggise neid sãggede wõip läbbikãija nink rikkutuid wäljakorjata, mes keldren ehk hawwan ei olle wõimalik, kui sinna ni hãste mannu ei sa, nink kuhjan ehk rõugen tuul hãste läbbikãõp nink kartohwliid ei lasse kumas minna.

Neist kartohwlist, mes wõtmise man lõitas rikkutu ollewat, wõip, kui neid ärra-mõstas nink wãitsega pohhas-tetas, tãrklis nink jahhu saija. Kuis tãrklis tettas, sedda wõip holikas perrenaine mõisan oppi. Ent jahhu saap sedda-wiff. Kartohwliid kēdetas nink koritas ärra nink lastas õse ussen ärrakũlmada. Kui nemma läbbi ja läbbi omma kanges kũlmanu, sis pantas neid lãmmen tarren ehk pãiwa paisten sullama, puistetaz puhta kotti nink pan-